



GRIJANJE

Javno preduzeće "Grijanje" d.o.o. Zenica, Bilimišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 69. stav (1) tačka b) i (2) tačka d) i člana 70. stav (1) i (4) Zakona o javnim nabavkama Bosne i Hercegovine („Službeni glasnik BiH“ br. 39/14, 59/22 i 50/24), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke u postupcima po konkurentskom zahtjevu za dostavu ponuda i za otvorene postupke nabavke za 2026. godinu broj: 2651/26 od 16.03.2026. godine, Uprava Javnog preduzeća „Grijanje“ d.o.o. Zenica, donosi

ODLUKU **o poništenju postupka javne nabavke**

I

Poništava se postupak javne nabavke robe – Teretno vozilo, putem otvorenog postupka nabavke, Obavještenje o nabavci broj: 1091-1-1-53-3-7/26 od 20.02.2026. godine.

II

Ova odluka stupa na snagu danom donošenja i objavit će se na web stranici Javnog preduzeća "Grijanje" d.o.o. Zenica.

Obrazloženje

Dana 20.02.2026. godine Ugovorni organ sačinio je tendersku dokumentaciju broj: 1912/26-AS za nabavku robe – Teretno vozilo, putem otvorenog postupka nabavke, procijenjene vrijednosti 22.500,00 KM, Obavještenje o nabavci broj: 1091-1-1-53-3-7/26 od 20.02.2026. godine objavljeno na portalu javnih nabavki: ejn.gov.ba.

Rok za dostavljanje ponuda je bio 12.03.2026. godine do 10:30 sati.

Dana 12.03.2026. godine u 11:00 sati, Komisija za nabavke u postupcima po konkurentskom zahtjevu za dostavu ponuda i za otvorene postupke nabavke je izvršila otvaranje blagovremeno dostavljenih ponuda, te konstatovala da je u roku za dostavljanje ponuda dostavljena 1 (jedna) ponuda i to:

1. **„METALEX TRUCK“ d.o.o. Busovača, Bukovci bb, 72260 Busovača** sa ponuđenom cijenom od **22.500,00KM** bez PDV-a.

Pregledom i provjerom dostavljene dokumentacije ponuđača „METALEX TRUCK“ d.o.o. Busovača, Komisija za nabavke je utvrdila da ista nije u skladu sa zahtjevima iz tenderske dokumentacije, kako slijedi:

- Prilog I - U Obrascu za ponudu ponuđač je naveo da ponuda važi 60 dana ili dva mjeseca, što nije u skladu sa odredbama tenderske dokumentacije odnosno tačkom 4.11. – Rok važenja ponude, koja propisuje da period važenja ponude iznosi 90 (devedeset) dana računajući od dana isteka roka za podnošenje ponuda.
- Prilog I - U obrascu za ponudu ponuđač nije otisnuo pečat preduzeća na mjesto predviđeno za to, već je pečat otisnuo u dnu stranice, kod broja stranice.
- Prilog II - U obrascu za cijenu ponude ponuđač je propustio da popuni kolonu 6 – Jedinična cijena bez PDV-a i kolonu 7 – Ukupna cijena bez PDV-a, što nije u skladu sa odredbama tenderske dokumentacije odnosno tačkom 4.5. – obrazac za cijenu ponude, koja propisuje da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu.
- Prilog VI – U Nacrtu ugovora o nabavci robe – teretno vozilo (jednoosovinska prikolica) ponuđač je propustio da upiše podatke o prodavcu te vrijednosti ugovora, što nije u skladu sa odredbama tenderske

dokumentacije odnosno tačkom 5.4. – Nacrt ugovora, koja propisuje da su ponuđači dužni dostaviti popunjen, potpisan i ovjeren nacrt ugovora.

Shodno navedenom, ponuda ponuđača „METALEX TRUCK“ d.o.o. Busovača je ocijenjena kao nepravilna, u skladu sa članom 2. tačka 1) stavka 3. Zakona o javnim nabavkama, jer ista ne ispunjava sve zahtjeve iz tenderske dokumentacije i uslove za dalje učešće u postupku javne nabavke.

Komisija za nabavke dala je preporuku ugovornom organu da u smislu člana 69. stav (1) tačka b) i stav (2) tačka d), te člana 70. stav (4) Zakona o javnim nabavkama da može donijeti Odluku o poništenju postupka za nabavku robe – Teretna vozila.

Shodno naprijed navedenom, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka putem ugovornog organa, lično ili preporučenom poštom, u roku od **10 (deset) dana** od dana prijema iste.

Broj: 2652/26

Zenica, 16.03.2026. godine



Direktor

Pašalić Muhammed, Mr.dipl.ing.el.

DOSTAVITI :

1x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove